

25 ФЕВРАЛЯ: Празднование Пресвятей Богородице
ради чудотворных иконы Ея Иверския.

Вечером 24 февраля

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония назиши, Господи, Господи, кто постоит; яко у Тебе очищение есть.

Стѹх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Стѹх: От стражи утренния до нощи, от стражи утренния, да уповает Израиль на Господа.

Глас 1: От востока возсиявши, яко солнце, / огненосная со славою Афонстей Горы икона Божия Матере. / О чудесе страшного, – возопиша монашествующии, – / како в море явился столп огненный, / яко виде иногда Израиль.

Стѹх: Яко у Господа милость, и многое у Него избавление, и Той избавит Израилья от всех беззаконий его.

От востока возсиявши, яко солнце, / огненосная со славою Афонстей Горы икона Божия Матере. / О чудесе страшного, – возопиша монашествующии, – / како в море явился столп огненный, / яко виде иногда Израиль.

Стѹх: Хвалите Господа вси языцы, похвалите Его вси людие.

Якоже Моисею в Синаи / купина явился иногда, / огнем убо опаляема и невредима пребывше, / сие Всенепорочная Богородительницы священней образ огнем одеается, / но неопалим пребывает, / заревидно освящает зрящих верно.

Стѹх: Яко утвердися милость Его на нас, и истина Господня пребывает во век.

Грядите весёлыми ногами, по́стников ли́цы,/ почерпите благодать неоскудную/ от иконы огнём блистающая Богоматери,/ крепость и стена обителем нашим преславно даровася,/ велиим гласом возопийте ко всем:/ приидите у́бо, земнороднии,/ по образу Божию бывши,/ изображение Пречистыя пёсньми почтём.

Слава, глас 8: Приидите, лю́дие,/ зрим светонóсную зарю́,/ и чудотворному и всечестному́ Божию Матере поклонимся образу,/ егóже дарова монашествующим во обители Ёверстей/ и всем во Афóне по́стником стража неусы́пна и необорима тем, от моря восходящи/ обитание на вратех изволи Себе́/ и чрез преподобнаго благодать возвещает,/ яко Го́ру избра́ в наследие Себе́/ и хóщет обитающих в ней благочестно спасати твёрдо,/ ю́же радостно приёмлюще/ Неискусобра́чную и Присноблаже́нную велича́ем.

И ны́не, глас 3: Како не дивимся/ Богомужному Рождеству Твоему, Пречестная,/ искушения бо мужескаго не приемши, Всенепорочная,/ родила бо еси без отца Сына плотию,/ прежде век от Отца рожденнаго без матери,/ никакоже претерпевшаго изменения, или смешения, или разделения,/ но обою существу свойство цело сохраншаго./ Темже, Мати Дево Владычице,/ Того моли спастися душам,/ православно Богородицу исповедающих Тя.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №4

Лития глас 2:

Днесь священныя иконы пришествие/ щедротами явльшеся нам,/ радостно празднующи, Богоматери вопиём,/ якоже иногда сею полчище варваров всегубительству предала еси,/ тако и ны́не, всех Царице,/ на безбожных агарянов победу нам даруй/ на утверждение верных и светлое радование.

Се, аки труба велегласная вопиет,/ Афóн на веселое торжество созывает, христоролюбивых людей,/ приидите, зрите чудо преславное,/ с нами Рождшую Слово Божие возвеличите,/ како посетит пришествием Своим достояние Своё/ и не остави до конца верных Своих/ и всех устраши врагов христианского рода,/ Ю́же

достойно, яко Заступницу нашу, воспойм, купно глаголюще:/
радуйся, Дево, упование христианом.

Слава, и ныне, глас 1: Благодать пречистыя иконы восприемлюще,
братие,/ достойно восплещим руками/ и возвеличим радостными
похвалами даровавшую,/ и хранителя неусыпна поставльшую нам/
в сей же Горе стража тверда и православным великое заступление,/
тем, честно радуящися, Богородице вопиём:/ христианский рог
вознеси/ и страшную врагом покажи победу, яко Всесильная.

<далее см. основной Чин>

Изменяемое №5

По полиелеи седален глас 5:

Во сне явися, Всеблаженная,/ и преподобному возвещает
Гавриилу:/ иди рано, – глаголет, – и сниди со тцанием,/ купно с
ликом монашествующих, ко брегу приближися,/ смело поиди по
волнам и прими икону Мою.

<далее см. основной Чин>

Изменяемое №6

Степенна, 1-й антифон 4-го гласа.

Прокимен глас 4: Помяну имя Твое/ во всяком роде и роде. *Стих:*
Слыши, Дщи, и виждь, и приклони ухо Твое.

<далее см. основной Чин>

Изменяемое №7

По 50-м псалме стихира глас 6:

Егда явление пречистаго Твоего образа приспе,/ тогда Афонстии
отцы столп огненный на мори зряще,/ страхом содержиши,
недоумевашу,/ Гавриил же, яко вторый Петр, по мори ходя,/ со
слезами вопияше Тебе:/ о Пресвятая!/ Прииди и сохрани достояние
Твое от врагов ненавётно.

<далее см. основной Чин>

Изменяемое №8

Канон умильный ко Пресвятей Владычице нашей Богородице глас 8.

Песнь 1

Ирмос: К олесницегонителя фараона погрузи,/ чудотвори ииногда/ Моисейский
жезл, крестообразно поразив,/ и разделив море,/ Израиля же, беглеца, пешеходца
спасе,/ песнь Ббгови воспевающа.

От скверных устен хваление прими, Всенепорочная,/ якоже
прежде Сын Твой, Бог же мой и Господь/ прият две лепте вдовицы/

и разрешеніе прегрешеній моих подаждь,/ яко да по долгу почитаю Тя.

Ангельское пение подобаше Ти, Матери Божией,/ Творца бо сих родила еси страшно и паче смысла,/ но прими всех, Царице, и от нас малое приношение,/ честную Твою икону почитающих.

Благотвори рабом Твоим произволивши, Владычице,/ противныя полчища врагов силою Сына Твоего и Твоею, Всемогущая,/ отгнавши от паствы Твоей,/ храм создати к защищению на вратех благоволила еси, Богоневесто.

Изыде от нечестиваго царя повеление/ не поклонятися первообразно Сына Твоего, Дево, Божественному изображению,/ и Твоему, Богомати, и святых всех,/ и возмут верных собрание,/ но Ты же вскоре разорила еси.

Песнь 3

Ирмос: Утверждей в начале Небес разумом,/ и землю на водах основавый,/ на камени мя, Христе, заповедей Твоих утверди,/ яко несть свят, паче Тебе, Едине Человеколюбче.

Иконоборцев нечестивых стремление услышавши, честная и Боголюбезная вдовица,/ ужасными руками икону Твою носящи, Всечестная,/ на волны морския слезоточащи пусти.

Скрывшиися убо судьбами Сына Твоего долгое время во глубинах морских,/ но манием Божественным в паству Твою изыде.

Чудо трепетное и славное видяху в морі,/ обитающии в Афонстей Горы,/ ибо последова светлость благодати Твоей/ и услади сиянием иконы всех, прославляющих Тя.

Радующеся, надеяхуся, Чистая,/ множества монашествующих о держание иконы Твоей получитьи,/ но Ты державною Твоею рукою/ обители Твоей подала еси яко хранилище некрадомо.

Седален, глас 4: Веселое днесь Заступницы нашея торжество,/ да възиграется тварь, да ликовствуют человечеству собори,/ созывает нас Святая Богородица видети огненосную икону Свою/ и лучами милости верных просвещающую./ Тем, радующеся, вопием:/ спаси,

Госпожé, от глáда, огня, мечá и всех бед почитáющих явлéние Твоеé вёрно.

Песнь 4

Ирмós: Ты моя крéпость, Гóсподи,/ Ты моя и сýла,/ Ты мой Бог,/ Ты моé рáдование,/ не оставь нéдра Отча,/ и нáшу нищету посетív./ Тем с прорóком Аввакúмом зовú Ти:/ сýле Твоей слава, Человеколюбче.

Нашéствия нечестívых отгоняющи от пáствы Твоея,/ Вратнина бýти извóлила есй, Всеблагáя,/ но сохрани сию и пребывáти во вéки благоволй/ поющую честнóе изображéние светонóсныя иконы Твоея, Владычице.

Видь, Чйстая, йноков собóры пáствы Твоея,/ окружающих икону Твою́ благохвáльную,/ разрешéние грехóв просящих и жития исправлéние,/ и Божéственныя славы причáстниками быти, Всенепорóчная.

Всёю душéю и мýсли правостию в пáстве Твоей вси сликúюще,/ псалмы́ и пéснями духовными, и пéнием Божéственным икону Твою́ почитáют,/ прощéние просяще и душ спасéние,/ Ты же сие подáждь, Владычице Богоневéсто.

Храм Твой просвещáется, Владычице, свéтом Твоим,/ и украшáется Божéственными пéснями,/ я́ко обогатйся вéлиим сокровищем, иконоу Твоею́ пречйстою,/ Божéственная же Твоя́ ограда сýлою благодáти Твоей Нéбо словéсное показýется.

Песнь 5

Ирмós: Вскúю мя отрйнул есй/ от лица́ Твоегó, Свéте Незаходймый,/ и покрýла мя есть чуждáя тьма, окайннаго,/ но обрати́ мя и к свéту заповедей Твоих/ путй моя́ направи, молýся.

Да посрамя́тся лица́ нечестívых/ и заградя́тся уста́ отрица́ющих и умаля́ющих свéтлую и Бóжественную икону Твою́, Владычице,/ и во огонь негасймый и тьму вéчную да послýтся мýчитися.

Храм Твой, Дéво, я́ко рай другйй показáся ны́не,/ дрéво жйзни имéя – икону́ красотй Твоея,/ ю́же усéрдно вси со благоговéнием и любóвию целýюще, Отрокови́це, спаса́емся.

Ре́ку Тя сла́дкую и пото́к насыще́ния,/ ма́нну Небе́сную, ме́д от ка́мени,/ изоби́лие и благода́ть приснотеку́щую стяжавше,
Отрокови́це,/ во оби́тели обита́ющихи благодарно́ пою́т рождество́
Твое́.

Дивно́ превознесё́ся вели́чие ико́ны Твое́й, Богоро́дице Де́во,/
всю́ду бо лучи́ испу́щает и просвещает усер́дно пою́щих/
неизрече́нное рождество́ Твое́, Влады́чице.

Песнь 6

Ирмо́с: Очи́сти мя, Спа́се,/ мно́га бо беззакония́ моя́,/ и из глубины́ зол возведи́,
молю́ся:/ к Тебе́ бо возопи́х, и услы́пи мя,/ Бо́же спасе́ния моего́.

При́зри благосе́рдно на па́ству Твою́, Пречи́стая,/ и всякий наве́т и
вред при́сно востаю́щий на ню́ осуети́,/ и сохрани́ невредиму́.

Покро́в и храни́лище ико́на Твоя́ бысть, Влады́чице,/ ё́юже от
враго́в мы́сленных избавля́ются, прибега́ющихи,/ и́ноков
совокупле́ния и ве́рных собо́ры,/ душо́ю и се́рдцем славосло́вят Тя,
Богома́ти.

Призыва́ние и́мени Твоего́ вои́стинну ду́шам есть очисти́лище/ и
скверных мы́слей истребле́ние,/ и отгна́ние лука́вых ду́хов,
Богоро́дице Присноде́во.

Поём вси благоговейно́ ико́ну Твою́ пречи́стую, в храм Твой
входя́щи,/ в Божество́нное весе́лие,/ и ду́шам исцеле́ние почерпа́ем,
Богоневесто́.

Конда́к, глас 4: Совозсия́ днесь́ Све́ту Воскресе́ния свет чи́стыя
ико́ны Твоея́,/ обо́я ве́село торжеству́юще вопием:/ сохрани́ раб
Твои́х благода́тию, Влады́чице.

И́кос: Древле израи́льтеский люд столпо́м огня́ путенаста́вивый/ и
че́рмную во́лну сему́ подсла́вы в зна́мение свобо́ды от рабо́ты
мучи́тельския,/ Той и ны́не ико́ну Своея́ Ма́тере огнеобра́зну
показу́ет,/ во изве́ство безме́рныя бла́гости/ и Храни́тельницу, мо́ре
пешехо́дящую, Святоиме́нной Горé подаёт;/ тем по до́лгу благода́ть
почита́юще, вопием:/ сохрани́ раб Твои́х благода́тию, Влады́чице.

Песнь 7

Ирмос: Божия снизхождения/ огонь устыдеса в Вавилоне иногда,/ сего ради отроцы в пещи радованною ногою,/ яко во цветнице ликующе, пояху:/ благословен еси, Боже отец наших.

О пастве Твоей Предстательница буди, Чистая Дево,/ и древняя милости Твоя покажи на рабех Твоих, Бога рождающая,/ православно Сыну Твоему зовущих:/ благословен Бог отец наших.

Познаша, Владычице, роди агарянстию силу Твою,/ находящи суетно на любезную паству Твою,/ и падоша безчестною смертию праведно, Чистая Богоблаженная.

Блажен, Владычице, Божественный храм Твоей светлости,/ стяжав внутрь, яко велие сокровище,/ подобия Твоего Божественное изображение,/ егже ныне целующе, славословим Христа, Тя прославльшаго.

Исполнися, Пречистая, уст Твоих Божественное проречение,/ блажат Тя Ангелов и человеков множества и поют согласно Рождество Твое:/ благословен Бог отец наших.

Песнь 8

Ирмос: Седмерицею пещь/ халдейский мучитель,/ Богочестивым неустовно разжже,/ силою же лучшею, спасены сия вудев,/ Творцу и Избавителю вопияше:/ отроцы, благословите,/ священницы, воспойте,/ людие, превозносите во вся веки.

Юже возлюбила еси Богособранную паству Твою/ и пребывать вину в той благоволи,/ укрощаючи безбожных агарянов волны,/ мирную жизнь подаючи верою вопиющим:/ благословите, священницы, пойте, людие, Благодатную во вся веки.

Странна чудеса Твоя и преславна, Владычице,/ море, земля и небо послушает Ти,/ но соблюди плавающих мирнаго моря пучины,/ спасаеши бо преходящих от всех бед и возводиши к высоте Небесней поющих:/ людие, превозносите Божию Матерь.

Кто изреши возможет чудес Твоих бездну/ и величия всечестных иконы Твоей,/ от неяже изливается священной обители Твоей и всем приходящим всех благ независтво,/ ихже причащающиеся, благочестно воспевают Благодатную во вся веки.

Ра́дующеся поёт Тебё, Богорóдице Всепётая,/ благочестíвая и блаже́нная па́ства Твоя́,/ Бóжественную благодáть приёмлюще, Дёво, от Тебё/ и Цáрствия Сы́на Твоего́ причáстниками прóсит Тобóю, вопи́ющими:/ ра́дуйся, Благодáтная, во вся вéки.

Пёснь Богорóдицы: Вели́чит душá моя́ Гóспода: <см. основной Чин>

Песнь 9

Ирмо́с: Ужасёся о сём Не́бо,/ и землú удивíшася концы́,/ я́ко Бог явися челове́ком плóтски,/ и чрэво Твое́ бысть простра́ннейшее Небёс./ Тем Тя, Богорóдицу,/ А́нгелов и челове́к чинонача́лия велича́ют.

Ужасóшася А́нгелов во́инство и челове́ков рóди, Всенепорóчная,/ стра́шнаго и па́че ума́ рождества́ Твоего́,/ ка́ко и Дёва пребыла́ еси́, и Ма́ти Бóжия бы́ти сподóбилася еси́,/ сего́ ра́ди по до́лгу поём, благословíм и покланя́емся ико́не Твое́й.

Ограждéние и стена́ духо́вная,/ столп ве́лий и утверждéние обíтели Твое́й и всем ве́рным дарова́лася еси́ от Бóга,/ íхже и сохрани́ невреждéнных Божéственное изображе́ние ико́ны Твоея́ велича́ющих.

Осуети́, Дёво, нечестíвых сове́ты и беззако́нная ухищре́ния,/ ча́сто находя́щая на ста́до Твое́/ и проже́ни сих далéче со студóм/ и конéчному разорéнию преда́ждь,/ да позна́ют си́лу и власть Твою́, Богоневéсто.

При́зри, Дёво, ны́не на нас от высоты́ сла́вы Твоея́, Влады́чице,/ благоговéйно ико́ну Твою́ почита́ющих/ и проше́ния на́ша испóлни Бóжественных дарóв,/ и прегрешéний дару́й оставле́ние.

<далее см. основной Чин>

Изменяемое №9

Светíлен:

В мо́ре вшед немóкренно, восприя́ ико́ну Твою́, Всенепорóчная, Гаври́ил свяще́нный/ зовы́й, ужаса́ясь, почита́ет:/ О Всечестна́я, ве́лия Твоя́ чу́деса и благодáть неисчерпа́емая,/ ю́же освяща́вши всю́ду воспева́ющих любовию́.

<далее см. основной Чин>

Изменяемое №10

На стихóвне стихи́ры глас 2:

Собрáние отцев, приидíte,/ пешемореходящую икóну Дёвы при́имем,/ Божёственно благодáтию пришёдшую,/ врагóв устрашáющую/ и вёрных увеселяющую.

Стих: Воскрёсни, Гóсподи, в поко́й Твой/ Ты и кивóт святы́ни Твоёй.

Сни́демся вёрно/ в рáдости душі и весéлии сёрдца,/ zde бо Дёва милостию посещáет нас/ и в залóг благодáти/ икóну Свою́ стража дару́ет нам.

Стих: Клятся Госпóдь Давíду úстиною/ и не отвёржется ея́.

Зрíte со страхом и удивíteся:/ се Дёва Бóга рóждшая/ священному стáрцу повелевáет, глагóля:/ вни́ди, Гаври́иле, на вóды мўжественно/ и приими́ икóну Мою́, Афóну пришёдшую.

Слáва, и ны́не, глас 5: Приидíte, вси мона́си и мирстíи,/ Едíну Преч́стую и Несквёрную прослáвим,/ днесь бо рáди священныя икóны,/ в морí путиé ея́ и стезí ея́ в вода́х мнóгих,/ и следы́ в чудесí несказáнныя,/ кáко бо от Никéи в столпé óгненном понт морскíй ко Афону прехóдит,/ и дар пришёствием Сво́им вёрным подаёт,/ мы же, просвещёнными лучáми благодáтей,/ единогласно Ходáтаицу спасёния нáшего ублажáем.

<далее см. основной Чин>

Утром 25 февраля

Изменяемое №11

По 1-м стихослóвию седáльны *глас 1:*

Веселя́тся свéтло Афóна пáствы,/ пёсней мнóжество соплетáют, любóвию Непорóчную почита́юще,/ вели́чеством благодáти крася́щися,/ ю́же прия́ша пришёствием икóны Всенепорóчныя Отрокови́цы,/ златовíдными заря́ми благочёстно пою́щих озаря́ющия.

Слáва, и ны́не, Богорóдичен: <далее см. основной Чин>

Изменяемое №12

По 2-м стихослóвию седáльны *глас 3:*

Чúдо преслáвное зрíteся днесь,/ кáко в вода́х огненóсная Богоотрокови́цы икóна показу́ется,/ и зна́мения лучí испу́щает, и пребывáние по́стников чúдом спаса́ет,/ сего́ рáди благодарственно вопи́ем:/ рáдуйся, Благодáтная.

Тропа́рь глас 1:

Де́рзость ненави́дящих о́браз Госпо́день/ и держа́ва нечести́вых
безбо́жно в Нике́ю при́де,/ и по́сланнии безчелове́чно вдови́цу,/
благоче́стно чту́щую ико́ну Богома́тери, истязу́ют,/ но та́я но́щию с
сы́ном ико́ну в мо́ре пусти́, вопи́ющи:/ сла́ва Тебе́, Чи́стая,/ я́ко
непроходи́мое мо́ре плещи́ своя́ подаде́,/ сла́ва правоше́ствию
Твоему́, Еди́на Нетле́нная.

Ин Тропа́рь, глас 1:

От святы́я ико́ны Твоея́,/ о Влады́чице Богоро́дице,/ исцелёния и
цельбы́ подаются обильно́,/ с ве́рою и любо́вию приходи́щим к ней./
Та́ко и мою́ немо́щь посети́,/ и ду́шу мою́ помилуй, Блага́я, // и те́ло
исцели́ благода́тию Твоею́, Пречи́стая.

<далее см. основной Чин>

На хвалитех стихи́ры:

Сти́х: Сотвори́ти в них суд на́писан./ Сла́ва сия́ бу́дет всем преподо́бным Егб.

Сти́х: Хвалите́ Бо́га во святы́х Егб,/ хвалите́ Егб во утверже́нии си́лы Егб.

Сти́х: Хвалите́ Егб на си́лах Егб,/ хвалите́ Егб по мно́жеству вели́чества Егб.

Глас 8: О, несказа́нныя бла́гости! Ико́ны заря́ све́тится,/ сия́ет
чудеса́ми и просвещает благода́тию приходи́щих ве́рно,/
расточа́ющая же ополче́ния враго́в/ и пучи́ною кúпно погружа́ющая,
ю́же приемлюще,/ Чи́стую Богоотрокови́цу досто́должно песньми
почита́ем и ублажа́ем.

Сти́х: Хвалите́ Егб во гла́се тру́бнем,/ хвалите́ Егб во псалти́ри и гу́слех.

О, несказа́нныя бла́гости! Ико́ны заря́ све́тится,/ сия́ет чудеса́ми и
просвещает благода́тию приходи́щих ве́рно,/ расточа́ющая же
ополче́ния враго́в/ и пучи́ною кúпно погружа́ющая, ю́же
приемлюще,/ Чи́стую Богоотрокови́цу досто́должно песньми
почита́ем и ублажа́ем.

Сти́х: Хвалите́ Егб в тимпа́не и ли́це,/ хвалите́ Егб во стру́нах и орга́не.

О, Твоего́ о нас, Влады́чице, промы́шления! Чудную бо Твою́
ико́ну посыла́вши днесь/ и стра́жа неусы́пна пода́вши благода́тию,/
Наде́ждо и Покро́ве прибега́ющих ве́рно/ и утеше́ние стра́нствию

нашему,/ тем познавше честныя Твоя чудеса,/ песнями Тя почитаем и ублажаем.

Стѹх: Хвалите Его в кимвалех доброгласных, хвалите Его в кимвалех восклицания./ Всякое дыханіе да хвалит Господа.

О, преславнаго чудесе!/ Како огненосная икона прямо на волнах морских, яко на колеснице, преходит,/ полносвѣтлыми лучами благодати просвѣщает верных умы,/ еяже торжество пѣснями почитающе,/ радостно славу возсылаем, Благодѣтельнице.

Слава, глас 8: Восприят священную икону священный Гавриил,/ якоже Всенепорочная повеле,/ чудо чудесе последова,/ путешествова бо немокренно воду,/ огненосную вольно прият икону,/ сие лик востави и торжество совокупи,/ тем и мы, удивляющесе, вопием Первовиновному:/ слава Тебе, сотворшему дивная, единому Царю и Богу,/ Богородицы ради сохрани страну нашу и победы на враги даруй, яко Всесилен.

И ныне, Богородичен: <см. основной Чин>

[Изменяемое №15](#)

[Кондак](#) глас 8:

Аще и в море ввержена бысть святая икона Твоя, Богородице,/ от вдовицы, не могущия спасти сию от врагов,/ но явилася есть Хранительница Афона/ и Вратарница обители Йверския, враги устрашающая/ и в Православней Россійстей странѣ/ чтущия Тя от всех бед и напастей избавляющая.

Ин кондак, глас 4:

Совосия днесь Свету Воскресения свет чистыя иконы Твоея,/ обоя весело торжествующе вопием:/ сохрани раб Твоих благодатию, Владычице.

<далее см. основной Чин>

[На Литургии](#)

[Изменяемое №20](#)

[Прокимен](#), глас 3: Величит душа Моя Господа,/ и возрадовася дух Мой о Бозе, Спасе Моём. *Стѹх:* Яко призре на смирение Рабы Своея, се бо отныне ублажат Мя вси роди.

Другий прокимен, *глас 6*: Помяну́ імя Твоє́/ во всяком рóде и рóде.

Стих: Отры́гну сёрдце моє́ сло́во блага́го.

Изменяемое №21

Аллилуиа, *глас 8*: Слы́ши, Дщи, и виждь, и приклоні́ у́хо Твоє́. *Стих*:

Лицу́ Твоєму́ помóлятся богáтии лю́дстии.